



14103

Wojciech

III

Mag. St. Dr.

P

Chetmensis Collegii Scholae Piar. Argo Cracoviana.

PANEG. et VITAE

Pokon. Fol.

Nr. 147

Ad 2

IL

C

III^{mi}

Nota

II

D

Palat

A

ARGO
CZARNIECCIANA

Ad Illustrē Hymenæi Facib⁹ POTOCCIORVM Pharum
VELIFICANS,

Atq; dum

ILLUSTRISSIMA DOMINA

D. SOPHIA

CZARNIECKA

Ill^{mi} Dⁿⁱ D. STEPHANI de Czarnca CZARNIECKI,
Notarij Campestris Regni, Lipnicen: Kaniovien: &c. Gubernatoris
LECTISSIMA FILIA

14105 m

ILLUSTRISSIMO DOMINO

D. MICHAELI

IN POTOK de PODHAYCE

POTOCKI

Palatinidæ Cracoviensi, Capitaneo Krasnostaviensi,

S. R. M. Rothmagistro desponsaretur.

A devinctissimo Magnis Illustrissimorum Neosponsorum Nominibus
Collegio Chetnensi Scholarum Piarum

Panegyrico opere

INSTRUCTA

Anno Christi Ecclesiæ N^{avim} Gubernantis. 1689.

VARSAVIÆ, Typis Collegij Scholarum Piarum.

In Gentilitia Arma
Illr^{ma} Domûs CZARNIECCIANÆ.



NAVIS Sanguineos sulcat sine remige fluctus,
Non tamen æquoreis, mergitur illa vadis.
Tuta procellosas neq; nunc timet ampliùs undas,
Cùm illi POTOCIA de CRUCE malus erit.



PRÆFATIO

AD ILLUSTRIS: DOMINAM NEOSPONSAM.



Xilis Eloquētiæ lembus
ad accēfos Nuptialis fa-
cis Splēdores, eluctantē
Tuam cōcomitatur Li-
burnicam Illustrissima Domina
NEOSPONSA. Fōtes nonnisi, &
minorib⁹ pervia celocibus vada
enavigare edoct⁹, tutiùs vasto se
Familiæ Tuæ Oceano credere nō
potuit, quàm ubi velificāti, adjū-
gitur Clāssi. Pretiosā gemmarū
supellectilē, neq; è Neptuni era-
rijs conquisitos evehit uniones;
quia ad cōnubialia fœdera, natā
è rore cœlestis gratiæ in Vobis

Illustrissimi DOMINI veneratur
animorū unionē immenso affe-
ctuū appretiatā valore. Non pa-
tietur repulsam hic, qui se æter-
no Illustrissimæ Domui Tuæ mā-
cipavit obsequio, militans laudi-
b⁹ Tuis Scholarū Piarū phaselus,
si & grandioribus Rostratis nihil
officiat scaphas sequi præeuntes.
Cum ergò Divini Pneumatis au-
ra ad sanctiores Aras, ceu ad bea-
tas Insulas Tuam propellit One-
rariā; in exoptato votorū portu
festivū illi accinimus celeusma.

Sic Te Diva potens Cypri,

Sic Fratres Helenæ, lucida sydera,

Ventorumq; regat Pater,

NAVIS, quæ Tibi creditam


Debes CZARNIECIAM POTOCIÆ Pharo

Reddas incolumem, precor.

Obligatissimum

NOMINI TVO

Coll: Cheshmense Scholarum Piarum.



ARGO VELIFICANTIS NAVIGATIO I. Provehimur portu.



Xundat in candidum paginæ æquor literarum Nigropontus,
Sarmaticæ Cleopatrar placidos substernens gurgites,
Sub purpureis Illustrissimi sanguinis carbasis,
ad suum eluctanti Antonium.

Enodaturus igitur perplexâ sapientis difficultatē,
Viam Navis CZARNIECCIANÆ in hoc mari quæres calame;
ipse Tibi remus, ipse remex, & navigium.
Temeraria equidem generositas est eò conniti,

Vbi hæc ARGO decurrit, & aureas secum convoluit arenas!

Contremiscunt ludibunda paginarum aplustra ad blandas Cythereæ Ethebias:
Quid, si Martio Austrorum, aut Aquilonum percellerentur flatu?

Audendum tamen!

Non enim evanidum citius perscrutaberis iter,
Nisi in literarios margines, universum effundas Oceanum.

Vel confortare tantisper!

ac pro ferrea Palladis Cheſmenſis hasta, ad ferreos, quia infractos, Te exerce Heroes,
ad æneos tandem obvertendus citra difficultatem Æneas;
Qvi Romano Tyberi, & Tyrrheno æquore suâ jactati onerariâ,

Fortiores triumphant in portu Lechico.

Ergò scriptoria penna tot remorum addensare benè exoptat ordines,
quot lineas exili incidit chartæ:

nō rectiùs CZARNIECCIANAM NAVIM se investigaturâ preſessa,
quàm cùm atrâ ſepiâ insignitis navigat tramitibus.

Et jam provehimur portu !

Tripodum ministri Tritones, festiva cient modulamina,
accolæ Oceani huius Syringes in Mercurij mutantur calamos,

Vbi NymPharum pulcherrima Deiopeia,
Illustrissima Domina SOPHIA CZARNIECKA
Stabili jungitur conjugio.

Nihilominus inter votiva ad Aras anathemata,
Inter virtutis, & fortitudinis trophæa,

Permites Illustrissima Dña NEOSPONSA è laudabili Romanorum more
triumphantem toties Rostratam Tuâ panegyricis appendi columnis:

Decumenos discriminum perpeffa æstus,
æqvum sanè ut victrici redimiatur corona.

Sufficit ad coronamentum NAVIS Tuæ Illustr: Domina NEOSPONSA
Sumptuoso opere extructa D. FLORIANO Cracoviæ Basilica.

Inferendus & ille Flos Nuptiali Coronæ Tuæ,
per primum in Czarnca Heredem, Regum Coronariæ vrbi illatus.

Hortus ille conclusus ad suburbana Craci mænia situs,
è Martyrum roseto transplantando Flori peropportunos:

quid mirum, si in eos Poloniae adolevit fructus?
cùm sterilem eius glebâ aureo CZARNIECCIVS imbre fecundavit.

Inter glaciales septentrionis pruinas egit radices delicatum germen,
quia ab injurijs àëris basilico circumseptum opere.

Ipse tunc D. Martyr CZARNIECCIORVM præscius humanitatis,
Vltro manum è tumba protendebat, ut in gratuitam adventans sedem,
Suæ manus osculo dignaretur munificum Benefactorem.

Prodigam quis non miretur hospitalitatem?

dum ut hospitem hunc gloriose exciperet,

Basilicum providit è dilapidatis bonis suis hospitium.

Ita prorsus quem Orbis Polono veneratur Patronum CZARNIECCII habent inquilinum.

Coæva divis CZARNIECCIORVM Familia, quidni inter Divos annumeretur?

ram firmæ nimirum innixa basi, non est cur temporum vereatur ruinam;

æternitati stabilita.

NAVIGATIO II.

Quæ Illr. MATHIAS, HIERONYMVS, FLO-
RIANVS, STANISLAVS, IOANNES &c. CZARNIEC-
CII feliciter deferuntur

Etiam



Tiam ARGO CZARNIECCIANA fortunatiores tulit Iasones,
qui aureo Patriam ditârunt vellere.

Feliciores hîc Antonij, quia ad infamem vitæ nunquam impigere scopulû:
Quib9 vela, nō pudor, sed vel Senatorius murex, vel hostilis pudor purpuravit.
Nō MATHIÆ solū Corvino triumphales in Hungaria pullulabant lauræ,
aut STEPHANO in honorum Capitolia aggerebantur lapides,

Cūm HIERONYMVS & MATHIAS CZARNIECCII inibi
arces gloriæ sibi fabricabant.

In Danubios & Tibiscos Gentilitiâ invec̃ti ARGO,
fortunatam decurrebant Naumachiam,
ut non mirum sit

Solius Constantinopoleos excidium tractas per montes accelerâsse naves,
si per inhospitalia Carpathi juga CZARNIECCIORVM circumvec̃ta triumphabat.

Floridas in FLORIANO naçta insulas,
plenissimis velis ad auream famæ ferebatur Chersonesum,
nisi flagrantibus ad Kłoszynum Bellonæ facibus elusa,
dum bonæ spei putavit promontorium, Cubæam invenisset:
ubi mortalibus atrox Libitina accensis funalibus,
in scyllas & perniciosas vitæ eum induxit Symplegadas.

Nullibi Polonæ generosius velificatum gloriæ,

Quàm ubi Lubomirscianæ Srzeniavæ suam STANISLAVS commisit NAVIM:
Bellona hos duntaxat Heroas intimiori iunxerat foedere.

Qvæ nunc Sarmatia habeat omina!

Cūm Oceanum Lubomirsciani sanguinis, CZARNIECCIA influit ARGO:
Sanguineo tunc vndabant diluvio cruenta Moscuæ littora,
Cruore hostili, & truncis legionum artubus decolores rubebant ripæ:
Erythræum credidisses, ex quo post excussam noctis caliginem

Bosphorus ille STANISLAI rubescens purpurâ,
Sarmatico orbi triumphalem nuntiavit diem.

Diffusus procellosis mundi æstibus IOANNES,

NAVIM suam ad tranquillum Religiosæ quietis subduxit portum:
expensa in capturam ulterioris fortunæ retia reliquit, homines olim capturus:
à viatore Domino in comitem evocatus, intimus eius socius est effectus.
Hic demum, qvò profundius in laudes Majorum Tuorum provehitur penna

ILLVSTRISSIMA NEOSPONSA!

Immensam meritorum non valens attingere altitudinem,

Extimam nonnisi allambit superficiem;

Fundū ipsū eruditioribus Historicorū ingenijs relinqvens metiendū.
Vivit vel posthumâ ætate CHRISTOPHORVS Zywiecensis Gubernator, Proavus Tuus

ILLVSTRISSIMA NEOSPONSA

Sigismundi hic tertij Aulicus,
 è regali manipulo in NAVIM suam opimam favorū congeffit segetē,
 Non nativo solum orbi, verum vltamarino copioso censu providēdā:
 ut extra Ægyptum, alterum Ioseph Patria suspiceret,
 in Principis pectore tam intimè hospitantem.
 Tam coronatæ, quàm clypeatæ individuus adhæsit Majestati,
 auream pariter, ac lauream coronam pari cultu veneratur.
 Edecumatus Heros, sæculis suam terminavit generositatem;
 denario Filiorum numero augens Rempublicam,
 ad metienda æternitatis confinia nobili sanè usus est decempedā:
 vel etiam cum Filijs, Gentilitiam NAVIM æternitati impleturus.

NAVIGATIO III.

E decemvirali Illustr. Fratrum CZARNIECCI-
 ORVM numero felicior.

Nvidebitis, dum videbitis, quid agitur mortales!
 Extra Tyberiadis mare, sanguinis æquor decurens PETRVS,
 Lubricam nimium Deam ferreo iam, nō aureo, prehendit hamo,
 Proreta Gentilitiæ suæ NAVIS, eò quòd in ordine Fratrum primus;
 Vt in hoc etiam decemvirali Fratrum Collegio primatum PETRO deberi,
 & sanguinis, & dignitatis respectus fateatur.

Versatili ADALBERTVS remo insignis,
 Secundā navigatione ad Chęcinensem adnavigat Notariatum:
 Sarmaticus planè Iupiter, olorinā candicans pennā,
 fæcundo capite armatas Patriæ parturiebat Pallades,
 quibus, non eversā pulvis inscribitur hastā;
 Sed Chęcinenfibus inarata marmoribus æternæ famæ monumenta.
 Tam vaginam, quàm paginam pro libertatis strinxit amore:

In Castro, Castra quoq; coluit.

Violentum Regni præsidium ratus bella:
 Firmius libellis legum propugnandum interdum censuit,
 quibus & togata, & sagata Reipublicæ constant tempora.
 Parvum quippè imperijs firmamentum accedit á manibus;
 Nisi in suffragium, referta consilio, veniant capita.

Tutior congregatis Aquilis STANISLAVS, Polonas Imperialibus associans,
 Cum 500 Equitibus Olympia gloriæ aut decurrit, aut instauravit.

Com-

Compendioso Orbis Poloni non contentus circo,
Nisi virtutē suam remotis Romani Imperij terminaret limitibus.
Novit hic magnanimæ virtutis suæ appretiare mercimonia,
quæ à peregrino orbe è sua NAVI Imperialibus exposcit littoribus.
Cæsari, & Regi militans, ex utroq; se probavit Cæsarem:

Patriæ etiam militavit, dum extra Patriam.

Redundat in Gentis honorē, parta in extraneo solo victoria:
dum Scipio in Hispania, Iulius in Gallia, Augustus in Dalmatia præhatur, Roma triumphavit.

Præliatura contra Hærescos monstra Ecclesia,
Suæ NAVI, CZARNIECCIANAM quoq; in Thoma adiunxit,
& militans & triumphans habenda.

Victrix demum Rostrata hæc,

in honorarium Cracoviæ ac Vratislaviæ sanctiorem evecta portum,

Facundiori Tullio pro rostris stetit;

Vt, æ Romanus quidē disertior illo, cum geminā insedisset cathedrā.

Spirans minarum & ædis P A V L V S,

impiger in Gymnasio Martis discipulus,

emerito virtutis bellicæ calculo creatus Rothmagister.

Quaternas annorum trieterides integritati Patriæ operatus
exteris demum Martiæ fortitudinis suæ communicavit robur:

ostenditq; severo terrarum, pelagiq; Deos sub lydere natci.

Coacervavit in Illustres Ceras suas, mell'os liquores, ex Meliæ Hymetto.

Vberior hic nunquam aliās visus, nisi dum permisso Pauli lacte abundantius deluere.

Sub nativo natalis illius insulæ CRVCIS si, no, mellitam invenit Melitam.

Portentum planè sæculis reliquit,

in liquido elemento, Eques cum Equitibus, prælijs decertans.

Extra Damascum, etiam extra lapsum!

Terram nihilominus & hic reperit Damascenam,

cum illam suo purpuravit sanguine:

Simul tamen rubens sibi efficiens Cœlum, serenitatem perpetuam experturus.

NAVIGATIO IV.

Illustr. STEPHANI CZARNIECKI,

remis velisq; rectefactorum instructa.



Vid hæres anime

Ad STEPHANI lapidem?

an ad syllam ingeniorum veteris impingere?

B

Reve-

Reverere potiùs • Gemmam cernis CZARNIECCIAE Domûs,
Vastiorib⁹ inundetur oceanis, nō exilibus eloquentiæ fluentis, expediti
Viliora enimucrò conchylia in omni ripa passim iacentia deprehendes,
ejusmodi vniones abditis Neptunus recondit sacrarijs:

In Erythræo Illustris sanguinis enatus;
purpuream iuventutem hostili tabo reddidit ornatiorē:
Inter ipsa bellorum rudimenta, victrices mernit rudes.

Levioris primò armaturæ Antesignanus;
sensim ad majora in exercitu munia à Marte alliciebatur;
donèc Sarmaticus Atlas, Illustrissimus Cracoviensis Castellanus,
operosam cataphractæ Legionis suæ Provinciā,
suffraganeo torosi Alcidis imposuisset humero.

Ita à minimo, crevit ad summum.

Gradivi nimirum honores, gradibus nonnisi petuntur.
Egregius sanè censendus Dux, si vilia etiam gregariorum caller officia.

Scitus Mæandratorum reflexuum extitit Palinurus,
Cum. *Fregit Hyperboreas remis præperantibus undas.*
In sylvescentes Motuæ paludes cum Kazanovio delatus;

Redivivus Sarmatiæ Curtius,

Nitrato fumantes pulvere lacus explorando;
in conterminum propè Tartaro Phlegetontem pertigit;
seu pallidis consanguineas manibus Flavas Aqvas;
è quarum sulphureo vapore minimè vivida eius emaciata virtus.
Tunc etiam cum abindè superas evadere ad auras arduum videret,
Theseum se, & Herculem probavit.

Cosacorum 6000 in regimen accipit:

Sed dum hæ cyfræ numerum aggregare debuerunt,
extra rectum fidelitatis Arithmeticæ positæ ordinem, nihil valuere:
Impudenter ex Martis area decedentes, vel potiùs decedentes.
Vnus tantum significativus Polonorum mansit numerus, Ducenti supra mille:
duodenos planè Herculis adæquaverunt labores,
& in hoc confuso ordine, in quantitate generosi animi,
decrefcere nescij.

Strenuè contra Tartarorum, & Cosacorum colluviem obluſtantur;
Non tam armis, quàm multitudine oppressi, non vincuntur,
sed vincendo fatigantur.

Ostendit se nihilominus constantē Navarchum CZARNIECCIVS,
taliter etiam fluctuantia non deservit vela:

obru-

Obruit illum mare clavum tenentem, sed gubernacula fluctus non eripuit.

Ex disiecta classe - *Apparent rari nantes in gurgite vasto.*

Hic clavi, transfennæ alibi, cæsisq; phaseli

Remigibus per summa natant, hinc linea ruptis

Funibus insternunt fluctuos, retinacula spernit

Anchora, & antennis jactantur suppara fractis.

Defessam tantisper tempestatibus NAVIM, ad portum subducit.

Enimvero, perdit Patriam, qui sine fructu in acie perit.

Velle superare maxima, cum superari nequeunt, amens est prudentia.

Vnus universos quia cadere non potest, non inglorie cedit universis.

Non derogat generositati Elephantis, si infesto culicum se subtrahit gregi:

numero enim non virtute pugnant.

Laudabiliter Codri more & morte Dux moritur;

si inde universæ Patriæ enascatur integritas.

Gloriosa Phænicis busta; dum natales vitæ cunas præfagiunt.

Aliàs, si ad svasum incantatricis famæ, quispiam Pelias

spe vitæ, non rediturum in membra, profundit sanguinem,

nimiæ præfidentiae, fera eum subit pænitudo.

Desperabundi sanè est, in tela & enses cæco irruere impetu:

toto Oceano desperationis illa non eluetur macula;

licet sanguineo fortitudinis fonte, baptizetur nomine.

Aggeruntur nihilominus foedæ Cosacorum nubes,

Magno cruoris imbre in Arcem depluunt,

saeva tempestas validos aggeres, & objecta rumpit repagula:

Expilant CZARNIECIAM NAVIM infames Pyratæ,

iam planè ad marginem fatorum pertractam.

Pro portu, impavidus portæ mortis, & vestibulum ingressus CZARNIECIVS,

lucis tamen publicæ memorabile effecit theatrum:

Quid mirum? si illud pupilla Poloniæ irradiavit!

Toto anni decursu squalorem carceris non patitur, sed fortiter sustinet,

Quem lubileum, incuria aliàs pietatis coluit barbaries?

cò, quod CZARNIECII arma, à Martiali fariarent opere:

Derivavit adæquatam à Romanis virtutem, in suam Domum,

probando Orbi; agere, & pati, CZARNIECCIORVM esse.

Sensit Serenissimus IOANNES pretiosum sibi è corona excidisse adamantem,

adeoq; Regium Stephanoma in STEPHANO perijsse.

Igitur, ut in turbido absorptam illam piscaretur gemmam;

post belli tempestates, tranquilla pacis inducit Halcionia:

æquissimo sanè foedere, efferato septemtrioni unionē refert, ut illā reciperet.

Effudit demum in margines Patriæ ingentē Balticū mare tempestatē:

*Exspatiata ruunt per apertos flumina campos,
Cumq; satis arbusta simul, pecudesq; , virosq;
Tecta q; cum suis rapiunt penetralia sacris.*

Sanctior Orbis Poloni Nōdēmus CZANIECIVS
taliter fluctuanti Patriæ, suam submisit Onerariam;
quā pereuntis fortunæ nostræ reliquias, novo restituit mun. lo.
Iam prope Areopagum Regni Petricoviam accesserat illā iniquitas,
perditum nimirum seipsam ivit, magnam veneni sui partem libitura.
Hic tandem extra Tribunal, Præsidentem Iudiciorū, & Themidis gladiū invenit:
ac instantaneo Martis Sarmatici decreto, in flagranti deprehensa,
capitali supplicio est affecta.

Bono sanè omine!

excubantes 500 pro salute Castrorum suorum vigilas, letali sopivit somno,
facilius totum deinde belli corpus invasurus.

In hoc tantum derogatum virtuti suæ fuit;
quod, de tot, ne nuntius quidem superfuerit, qui eam diffamasset.
Ex inspectis in ortu syderibus tenorem vitæ cuiusq; præcūnt coniectores:
ex prima fortuna, reliquum militiæ cursum observavit Patna.

Nimirum cum serenus solis exortus, sudum ominatur meridiem,
Regni demum Metropolis à Sveco petitur,
Vt suo coronarum ternioni, quartam Poloniæ adjungeret.

Non reperit tamen patula in Polonia Capitolia,
Nisi illa, quæ ē suorum recisis erigebantur capitibus.
Obfirmata Civium constantia Ductore CZARNIECCIO, portas claudit.
Ille ampliorem sibi per prostratos machinis muros facere voluit aditum:

infamis scilicet prædo, sive urbem furari decrevit,
Sive eā indignus suscipi viā, quā legitimi Poloniarum Monarchæ ingrederentur;

Subdola vaftrum ingenium armat humanitate.
Importunus hospes, stationem sibi pertinaciter extorquet,
pulsat globis mænia, ut sibi aperiatur.

Indemnitati Civium consulturus,
condescendit CZARNIECCIVS, non animo fractus, non viribus,
admittere hostem passus, ut castigatum eijceret.
Famelicus posthac Erisichton, Regum altricem, aggreditur Varsoviā:
CZARNECIVS nonnihil contra sacrum deliquit codicem,
panem petenti, STEPHANI porrigit lapidem.
Stupuit Vrbs Sarmatica, Romanā in se commigrare magnificentia.
Regiam nimirum ad se viam, non signatorij lapides,
sed gelido obrigescentia frigore cadavera distinguebant,

Mil-

Millibus, milliaria notabantur:

Ut, si ignobiles illæ animæ sepulchrali dignæ fuissent tegi marmore,

Viam ex se præbuisſent lapideam.

Eò sanè cultu ſedem Regum Poloniæ adorari conveniebat,
quam adoriri venerant.

Tot iam monſtra illa Hæreſeos univerſam oppleverant Sarmatiam,
ut planè feracem eorundem credidiſſes Africam,
Et quò efficaciùs ad debellanda cor ſumaretur STEPHANVS,
reperito iterùm mergi debuit baptiſmo.

Celerini abindè fortitus nomen,

pariſ cum fulgetro celeritatis, in oriente illuſcens,
fulgorè armorum terrebat occidentem.

Ita, cùm emollicum hoſtili ſanguine induravit ferrum,

evafit ex vadis viſtulæ in arenam:

& certè germinavit ei palmares adorcaſ, largo humectata imbre.

Ex populari aura, vitream alijs fortunā conflare ſolenne eſt,

CZARNIECIVS ubi trilices in eiſ capturam extendit loricaſ,

Magneticam in viſtuleiſ prehendit vorticibus.

Nec mirum, ſi magnanimo auſu primus viſtulæ undiſ ſuâ commiſit NAVIM;

quia illi robur, & æſ triplex circa pectuserat.

Mōſtra illa Baltici maris, plùs nimito ſe Sarmaticis intulère fluminib9

ferreiſ CZARNIECII prehendenda hamis,

Sat fructuoſam & ad Lovicium exercuit piſcaturam

opiparam ex 400 & ampliùs Plutoni inſtaurans cœnam.

Aperuit iteratò pectus ſuum Loviceniſ Pelicanuſ,

in vim gratitudiniſ cor CZARNIECCIO offerendo.

Dignuſ meherculè erat eo honorario,

qui è viſceribuſ Archiepiſcopaliſ ſediſ,

tam nocivaſ tinnitu ferri pepulit Stympthalidaſ.

Damno ſuo primatialiſ Arciſ propugnacula vilis cornicuſ grex involavit,

ruderibuſ ipſiſ, ni timor addidiſſet alaſ, opprimenduſ.

Nimirum nulluſ ſatiſ firmuſ tutandæ impietati muruſ eſt;

inter arcium marmora, Mauſolea invenit.

Naturâ ſuâ arroganſ eſt, nec vili amat contegi ceſpite,

niſi ruinis mœnium tumuletur.

Portum putabant Opocznam, Maleam habuerunt.

Capitolia gloriæ inibi videbantur ſibi erigere,

ſed in dura obriguerunt faxa 1500,

Dum in lapidem offensionis STEPHANI impegerunt.
Petram scandali sibi in ninere poterant, cum turpiter deficerent.
Enatum Tremefznæ ethymon an ab hostibus, an à Civibus sit? dubium!
crediderim tamen, cum & ibi ad suam tremebant cladem,
contractâ ex gelido timore febrî,

2000 oppressi mortalitatis algore,
repetitam eidem indidisse nomenclaturam.

Latebras igitur circa Premisliam, & abditos recessus Leo Sveticus quærere constituit,
per plana Poloniæ ampliùs timens aperto divagari calle.

Ad submontanas secedit partes, opportuna sibi queriturus spelea.
Nemæam quidem reperit sylvam, sed & Polonum in ea Alcidem.
Sic, cum innatæ iâ puduit eum arrogantiæ, tã inglorie ex acie decedere,

Capram simulat, qui Leo fuerat.

Nihilominus, & sub e mentito schemate, ad prædam notabatur;
accisis ad Kozienice ultimis viribus, ex 300 ne nuntio quidem relicto.
Ita omnem planè memoriam hostium abolevit CZARNIECIVS,

vel hoc ipso æternâ dignus memoriâ.

Sed Herculem non unus Nemæus probavit Leo:
in unica etiam edomanda hydra, novi renascebantur labores.

CZARNIECIO gloriosus unius belli fructus, sementis erat alterius.

Ferax quippè bellorum Martiale solum,

agrestium more herbarum svâpte naturâ eius propagantur plantagines:
in uno vix adolescunt pacis oleæ, aliud in nova pullulat herba.

Infusa Lachowecensibus campis copiosa Moschorum seges,

Messorum reperit CZARNIECIVM,

ut extra somnium, 40000 procidentes militum manipuli,
Regium in manu CZARNIECII rescissis cogerentur adorare cervicibus.

Bicipitibus Moschoviæ altior hic ibat Aquilis
deplumatas Regijs adsternens pedibus.

Felicior Saturnus niveis oppida Sarmatiæ revisens bigis,
etiam Varsaviam ad Comitias cicuratis Moschi provehebatur Draconibus.

Obmutuerunt intercluso spiritu militares Tubæ,

gemebant sub pondere armorum militares Quadrigæ,

quibus fabricandis totus insudabat septentrio.

Triumphos suos enarraturo gestiens lætitiâ Respublica, vocē præcluserat,

clades suas deplorantibus Moschoviæ Ducibus intenta,

è quibus mensa est CZARNIECIANÆ Victoriæ magnitudinem.

Mirabile visu!

Illâ cohors nostris minitans incendia portas,

Sar-

*Sarmatiæq; altâ famulas cer-vice repositens:
Supplex ante pedes, & tanti nescia fastûs
Ponit signa libens. - - -*

Quid orbi notissimam ad Mohiloviam rememorem expeditionem?
Sublimius ibi sanguineo innatavit æqvori CZARNIECIA NAVIS:

ut, neq; altiùs Ister unquam exundare potuerit,
quàm, cum tot ex 16000 recisis cervicibus oppletus assurgeret.
Ex Lechicis demùm fluminibus, in Oceanum suâ fertur NAVI;

Atq; vltamarinas Holsatiæ dimetitur oras.
Campestris Poloniæ Herodës, ignoto innatabant mari;
Planè janì orbis universus Sarmaticis erat pervius armis,
cum neq; hic obex Polonam remorarerur virtutem.
Ad repetitos gladiatorum vibices rubuerunt sanguine flûctus Daniæ.

-- & nunquam fluitantia latè

Largius Arctons pascere cada-vera pisces.

Riget iam Marte pagina, ferreus stylus graviùs teneram Tuam pungit manum

ILLVSTRISSIMA NEOSPONSA.

Inter blandas Cytheræ illecebras, flores Tuæ deberet inferere dextræ,
interim spinas offert.

Sed cum neq, Rosæ sine aculeis nascantur;
& Tu Majorum Tuorû æquâ mente Martiales complecteris rigores.
Hostili igitur iam pota cruore penna. Senatorium bibit muricem:
enatat è sanguineo mari in honorum promontoria,
ad novennas Sendomiriensis Palatinatûs Cynoturas.
Cælum ipsum torosus ferre credebatur Alcides, dum nativas stellas,

In primam dignitatem,

primæ magnitudinis obtigerunt CZARNIECIO sydera;
Pulchrâ sanè mera morphosi Mars Polonus in stellas transmutatus.
Triumphale ubi explicuit labarum tam conspicuis insignitum phænomenis,
horrendas Lunæ Othomanicæ causabat eclipses.

Aptavit demùm CZARNIECIÆ NAVI velum Patria,
è Kijoviensis Castellaniæ purpurâ:

ut, quæ ante in hostes currebat, sub istis volaret supparis.
Ostrum quippè magnarum mentium honor est,
Obligatiorem Patriæ reddit acceptum beneficium.
Infractâ cervice sustentantur onera, fulta honoribus.

E Castellano Kiioviæ, Terrarum Russiæ Palatinus,
Sarmaticus Æneas, terris iactatus, & alto,
per multa discrimina ad exoptatum adnavigavit Latium.

Summos cum attigisset honores, maiores mereri videbatur
annis & victorijs maturus,

sub canæ ætatis hyemem Martialibus ardebat ignibus.
Vitam hominis, iterum militiam esse sufficienter ostendit,
vno fine vtramq; terminando.

NAVIGATIO V.

Illustr. BONAVENTURÆ, FRANCISCI,
MARTINI, IOANNIS CZARNECCIORVM
Nominibus gloriosa.



Ætare Patria!

cum BONAVENTURA omnia Tibi venere bona.
Formidabile semper Poloniae ab Aquilone timebatur malum,
abinde lenes felicitatis aspiravere Ethelæ.

Fabricandis contra Sarmatiam insudabant fulminibus
in Białocerkieviensi Martis officina operosi Cyclopes,
en demum aureæ fortunæ Fabri sub BONAVENTURA!

Illud ipsum Fanum, reseatum Iani templum dici potuit,
Architecto BONAVENTURA in candidæ pacis,
vel è suo nomine, mutatum basilicam.

Explicuit FRANCISCVS antennas,
grandi Seraphicarum alarum pulsus remigio,
stetit ad fortunatas insulas in Religionis portu,
Mundo se subtraxit, vixit DEO:

vel tunc maximè virtutum luce clarens, dum latens.

Pro focus decertantibus alijs, ille pro Aris stetit;
Largioris nō indigus stipendij, cum Deo exercituū militavit.
Heroicum nomen bellicosus decoravit gestis MARTINVS,
proprij sanguinis non liberalis tantum dispensator sed prodigus.

Nativa Hungariæ flumina suâ emensus NAVI;
palmaribus plenus redijt ad oreis.

E præceptis Bellonæ didicit foris, qualis deberet esse Domi:
Ad ap̄liores demum laureas in patrio solo conquirendas,
Ducem habuit WISNIOWIECCIVM.

Lechiæ Bellator, Cosacorum, Tartatorum, Prussorum debellator;
devi-

devictis immortalis hostibus ,
plumbeo per rebelles Cosacos ad Lubnie transfixus globo;
auream efflavit animam dignam Coelo.
Nunquam fanè & hic in caliginosæ oblivionis noctem perventurus,
dum illi lucem æternam purpurascens in corpus invexit aurora.

Decadem Fratrum complet IOANNES
ut Romanæ non sit opus invidere Reipublicæ Decenviros,
si nostra, hoc CZARNIECCIORVM constitit numero!

Etiam hic inter arma ,
& Sarmaticas nives virtutis suæ capiebat documenta,
florentes vixdum iuventæ ingressus annos,
inter bella teneram exercuit ætatem-
Hæc galea, quæ primam in Iuvene atterebat lanuinem
canos quoq; in obsequio pressit Patriæ:
testans, totam CZARNIECCIORVM vitam, impendi

Virtuti & Patriæ.

NAVIGATIO VI.

Illustr: STEPHANI, Notarij Campestris Re-
gni, illustrata decoribus.



Navigat tandem è mortuo mari in Oceanum laudum Tuarum penna
ILLVSTRIS: DOMINE NOTARIE REGNI:
quò longius à littore recessit, ad Te propius accedit.
Veretur quidem, ne pro scopo, in scopulum impingat.

Tu enim ILLVSTRISIME DOMINE
etiam cum Orbem universum gloriosis imples gestis, latere vis:
popularis non captator auræ, ægrè aurem Tuis arrigens laudibus,
eo ipso grande ingenijs periculum facis,
eloquio. ne? an silentio Te colere debeant?

Vocales nihilominus mereris Famæ tubas,
cum scriptoriam Regni tenes arundinem.

Polonam quoq; conscribis militiam, panegyricis inarandus es fastis:
eodem ordine, quo Tu delectos Heroas,
Merita Tua vectigalis vellet recensere penna;

D

gaudens

gaudens tam illustri atteri usu, quam Martiali acuis gladio.
Martis Amanventis unâ manu mucronem, alterâ stringendo calamû,
duplici stylo fodis hostem.

Infinus in ordine noster Scholasticus, hos prosequitur:
Altiùs attolli nescius, nisi Tuos circa oberrare pedes edoctus.

Tenues in paginam projicit umbras,
Vivis in Te expressa benemerita coloribus, atrâ adumbrans sepiâ.
Aureum scientiarum vellus ab exteris allaturus oris,
tener adhuc Iason Gentilitiâ navigabas A R G O.
Scitè Grammaticos Mæandros, Pegaseam Hipocrenem,
eloquentiæ fontes superans,

Aristotelicum capaci mente exhaustisti Eurippum,
ut miraretur Te clementius Osmucense clima, sub gelida enatum Arcto,
Phæbum spirare.

E Palladis, in Martis aciem commigrâsti.
grande rudimentum laudati Militis ætas prima TIBI dedit
cum Illustrissimo Palatino Russiæ Patruo Tuo,
Magno Aneæ suppar bellorum socius Ascanius,
medijs in vallibus acri gaudebas equo.

Ultra Balticos sinus, & Scythicos Boristhenes,
patrios protendebas limites,
ferreas Boleslai columnas sedentariæ existimans locatas indoli.
Sagacior Columbus, novum orbem in mari,
Sarmaticis peruium armis inuenisti.

Dux nondum egressus Ephæbis, parem Te Herculeæ probasti clavæ,
armatas prætextâ fugans phalanges.

Gaudebant victrices lauri vernantia juventutis redimire tempora.
Quâ victoriosus sub Tuo regimine progrediebatur exercitus,
triumphales assurgebant palmæ:

teneræq; manui inserta clava in oleas effrondescebat.
Non una Tibi necēbatur Civica, non ob Cives solùm servatos,
sed & Regiam Majestatem.

Cum Marte agresti agebatur res in Vkraina Polonis,
proximus Vcalegontis ardebat paries
incendium illud integras absumebat Regiones
Iam propè Regni Tecta vastaturum,

Ni Te Illustrissime Domine obicem habuisset:

Qui si flum alieno gladio ignem, mirâ sopivisti dexteritate.
Centum millia cum suo Duce Cosacorum in aciem egressa;

Mercurialis populus aperto Marte congredi nunquam ausus:

non tam ferro lucrari victoriam, quàm astu furari assuetus.

At centoculum vigilantissimè pro ea excubantem invenit Argum:

concinentibus sibi Bellonæ classicis,

saltabant ad feralem gladiatorum tactum insolentes Capreoli;

donec proprio ingurgitati cruore in æternum resolverentur somnū.

Abhinc adeò gravis factus hostibus, gravioris armaturæ Antesignanus,
ut Ætarni cervicibus suis incubantem senserint sanguine sudantes Encæladi.

In quem campum Regias eduxisti Aquilas,

opimam Regno ex hostibus providisti prædam:

Sapidius tamen non obsonabant, quàm heroico corde Tuo inescatæ.

Delicatus nimium Achilles,

invio armis toto corpore, unicum pro salute Patriæ exposuit talum,
egit solummodò pro incolumitate eiusdem, pati detrectavit:

Tu Illustrissime Domine totum Te periculis exposuisti.

Magneticum ostendens debere esse Patriæ amorem,

quem ferrum probaret.

Ad perfectam veri militis Ideam,

non indigeat fenestrato corpore Momus,

cum per vulnera ejus candor conspicitur.

Ferales alijs sonos militaria intonare videntur classica;

Tibi lethalis ferreæ fistulæ cantus dulcis fuit.

Sapidè consumptus bolus ille, majorem Tibi in hostes acuit appetitū;

millenis vix fatiandum corporibus.

Luçtabatur Sarmaticus Mars,

quæ Tibi pro condigno offerret munia:

& cum se ipsum minorem cerneret,

Marschalcali Tuo Scipioni ad Gofebiam subesse gloriosum habuit,

qui in pacatas efflorescens oleas,

enubilato Martis furore

nuntiæ pacis Columbæ cessit in symbolum.

Aurea nonnisi falce rescindendus erat

ille Gordius confæderatorum nodus:

Tu siye fata eludens, siye implens,

nervosæ Eloquentiæ rupisti vi.

Tumidis spumabat fluctibus vicinus Vistula:

Sed Tuæ NAVI placidiores substravit vortices;

Fortunam Patriæ provehenti.

Iniecisti illi ceu Divinior Xerxes aureas Eloquentiæ compedes,
ibatq; refluvis in hostem gurgitibus, in Patriam prius intentus.

Succumberet pagina,

si longâ serie bellicas Virtutes Tuas recenseret

ILLVSTRISIME DOMINE;

Facilius quippè Tibi erat hostes cedere,
quàm calamo cæsos adnotare.

Ludum Fortuna instituit ad Strigonium;

Martem Polonum post Viennensem exhilaratura labores;

Subtristi quidem exordio suam auspicata tragædiam,

cæsis in acie aliquot Gregariorum cohortibus;

sed illicij loco proiecta tenuis illa offa fuit,

super qua hostis mactaretur.

Non pœnituit Martem damni, aliquot excussisse manipulos,

si largiori censu laurearum in ea acie prodijt messis.

Adfuisti Tu funestæ scenæ non spectator sed Actor,

ILLVSTRISIME DOMINE,

accedentibus Tuis Copijs truculentior in hoste grassabatur cædes:

Fluctuabat in Danubij profluvij Othomanica Luna,

ut non aliàs copiosius dulces hausisse aquas visa fuerit.

Depontana Orbis Musurmanici Felicitas,

de ponte, in vastos deiecta gurgites, lethali interiit naufragio.

Vigil Tu interim pro incolumitate Regiæ Majestatis Antipater,

in omnem fortunæ resolutus sortem, aciem tenuisti,

etiam proprii corporis objectu Caput Patriæ tutaturus.

Trahit Te fidele Serenissimæ Majestati ubiq; obsequium,

cùm ad manum benemerendi occasionem non habes, quæris.

Pertæsus vitæ Tuæ videbaris

Marte coronato per Budziacenses campos,

victricia circumferente labara,

pervenisti per ea loca quæ nec ipse Theseus scito decurrisset astu;

virtuti viam inviam nullam esse demonstrando.

Vbi

Vbi tandem eò ventum est, quo Polona vix pennis pertigit fama;
ubi Serenissimus Rex triverbium illud complere non potuit

Veni, vidi, vici,

eò, quòd licèt in hostico hostem quæsisset;
quem vinceret non habuit.

Acquievit consilio Tno, Illustrissime Domine;
Sufficere ad laudem hostiles impune transisse regiones.
Principem à Regno abesse idem est ac solem à terra absentari,
ad cuius intuitum spirant & sperant universa.

Redit itaq; suasu Tuo victoriosus Poloniæ Exercitus;
fatis multum de Christianitate eo tempore meritis,
cum auxiliares tutandæ Budæ Turcarum Tartarorumq; copias

Heroicis remoraretur viribus.

Licèt quidem nullà suppetiarum spe affulgente,
Desperatio acriorem præliantibus defendendi sui faciat animum;
moribundorum tamen spiritus illi sunt,
in momento extinguendi;

Si eos fanatica illa vis exerit violentius.

Fama longè etiam dissiati exercitus vires acquirit eundo;
Prodromis stipata terroribus, in fulmen degenerat,
quod, quo remotius in nubibus remurmurat, magis terrefacit:
unum ferit, antequam explodatur, terrorem incutit universis.
Majores bellicæ machinæ à longinquo stant, muros tamen stera unt,
aditumq; intraturis per rudera & viam aperiunt.

Ita sanè non solo robore, sed consilio bella debere geri ostendisti

ILLVSTRISIME DOMINE.

Coronato Alcidi Serenissimo IOANNI III individuus Theseus,
& armis, & fido non defuisti consilio.

Exinde non solum galea Tuam pressit caput,

aut gladius manum,

etiam Mercurij Galerus & Caduceus.

quotiescunq; aut pro exercitu, aut pro Patrijs libertatibus
inter Purpuratos Patriæ Cives disertus loquereris Cyneas;

Lingua Tua erat calamus scribæ:

Togatorum Patrum mentibus altas blandi eloquij infigens notas,

E

ut

ut vel ideò maximè Conscripti dicerentur.

quod Tuis pleni characteribus.

Tribunalitiæ Regni Themidis Arbiter,

Mareschalcali baculo, pro remo usus,

Tuâ eam provehebas N A V I,

planis gurgitibus, per mæandratos causerum anfractus.

Tunc primò deliciari in terris Astræa visa,

cùm eam per strepitus forenses & litigantium iurgia

tam commodo circumduceres navigio.

Non erat opus à Venetorum primoribus auream exposcere Triremè,

è pretiosiore metallo fabrefactam Iustitiæ statuam præferentem,

Tuam illi præstò affuisse vidit orbis.

A Mareschalcali Tridente, ceu ab Apollinis Tripode,

intenti omnium pendebant animi

Nullus enim tristis à Tuo ivit conspectu,

nisi, quod erat suum, habuisset.

Non popularis aura Lancem Tibi Iudiciariam ventilavit,

non grandior crudelitatis obliquavit gladius;

attolli aut deprimi nunquam scivit,

in recto altissimi Iudicij Tui consistens æquilibrium.

Extra Parisiensem Elogia

Tua quoq; Argo æmula solis dici potuit,

Digna nimirum inter Astra referri,

aut Divorum in terris domicilia.

Et certè cùm in altiora Zamoscensis Basilicæ elata est pegmata,

ad illas supra firmamentum proram obvertit aquas,

facilius sub extensis Francisci antennis velificatura,

ubi effuso liberalitatis Tuæ influet Pactolo.

In Te demùm redundant encomia

Parens Illustrissima.

Non unum hîc ingeniũ ultrò concedet palmas,

cui triumphata Orbis Lycæa lauream contulere.

Sarmatica Camilla non in sylvarum latebris educata

sed inter Religiosæ solitudinis claustra

duris

duris exercita velitationibus, à muliebribus abhorrebas illecebris
Nunc etiam Illustrissimo SPONSO Tuo focia,
arcum & Pharetram versas,
ciaculatorijs cœlum impetens insultibus.

Castra Tibi Astra.

Patitur fanè cœlum à Te violentiam
quoties globos precatorios, ceu scintillâtes Divino amore pyrobolos,
ad expugnandum pertinaciùs detorques.

provida futuri, ad sanctiorem, hanc instaurandam Gygantomachiã,
quotidianum provides cômèatum per manus Pauperû præmittendû.

Gentilitio Pede Tuo incedis per violas contemplationis :

Regia circumobambulas Rosaria,
spatiaris inter cruentatas sanguine Christi vineas,
inter lilieta amænissimos omnis devotionis colligis flores,
in odorifera Deo Thymiamata.

Videmus & in vultu sobolis Tuæ Te regnare Parentem:
quid enim è sapiente similiùs nasci debuit quàm sapientia?

Quid è CATHARINA? nisi SOPHIA!

Ad Tuos demùm placuit retrogredi Antecessores

ILLVSTRISSIMA DOMINA.

Sed Phænix necesse sit ingenium quod eos pro sufficienti celebret:
Raritatem quippè sapit è suo nomine inclyta Nowinarum Familia.

Rosas è pressa calcaneo Persei terra enasci credidit antiquitas;

Gentilicius HVLEWICIORVM PES

ferream Martis dum decurrit semitam, aurea Patriæ producit sæcula.

Oriebantur è Luceorienti Hemisphærio

Illustres in Heroibus his orbis Sarmatici Planetæ
pulchra in lucis pupilla honorum cunabula nacti,

foli Phœbo communia.

Equonè, an hoc Pede celeriùs gloriæ Olympia decurrerit GEORGIVS?

prorsus dubium,

acripes nihilominus Achilles alatum etiam superavit Bellerophontem;
ad Luceorientem eluctatus Succamerariatum.

Non caruit tamen honor hic gradibus
quos sibi in cervicibus hostium incidit:

ut firmo vestigio, non volubili penna eidem insisteret.
Irradiabat hoc iubar SIMEONI HVLEWICZ Notario Luceorienti pennam
accedente armorum fulgore geminatum.
Probatum à conscientia Vir in luce conspicuus apparere voluit.
Recti sectator, tenebras fugiebat & nubila;
hostibus tamen noctem inducere in professo semper habuit.
Versabat Marte rigentes Caligulae fastos,
quorum uni gladius, alteri Pugio nomen erat.
Quid potentem fama VLADISLAVM? quid hostium Arierem IOANNEM?
è bustuarijs effodiam cineribus?
Nolo, SIMONI, PAVLO, DAMIANO, dulci sopitis somno gravis esse,
Veneror sacros Parentis Tui manes
ILLVSTRISSIMA DOMINA.
Scintillant Martiales eorum spiritus & in sepulchrali pulvere.
graves illis non sunt lapides, nisi hostium spolia.
Tam ad arenam, quam ad Aram festinus PES vester
præcipue calcar illi addente Dominici Stellæ.
Non satis potest mirari tripudians Ecclesia,
quàm speciosi PEDES Vestri Evangelicantium bona
Sacri Ordinis Prædicatorum decora HIPPOLYTE & THOMAS;
primus quidem jam inter sydera relictus
Stellatam Coelestis Ariadnae coronam,
è submisso genu veneratur,
vivit ille tamen in posthuma Dominicanæ Familiæ memoria;
quia hæc ejus liberali vivit provisione.
Firmiorem Votorum Religiosorum Terzionem effecit,
sustentando, Luceorienti Conventui nervum augens
ex accessorijs Patrimonij sui ternis possessionibus.
Plus non potuit Deo offerre, quàm cum se & sua dedit.
Nestoris vivat annos probatus, à Candore mentis THOMAS;
Frater Tuus ILLVSTRISSIMA DOMINA,
variegatas vanitatis mundanae plumas
Phænicis more coelestis flaminis absumpsit incendio;
ex funere mundi superstes,
non dedignatus, abiectus audire vermiculus,
quem titulum & DEVS habuit honorarium.

Abys-

Abyssalem virtutum ejus magnitudinem
tutius silentio Religiosa venerabitur svada,
utpotè in ipso profundæ humilitatis mersam æquore,
& Doctoralibus ornatum laureis,
frustra Palladiæ adcomere nituntur oleæ.

Et hæ sunt Gentilitiæ NAVIS Tuæ viæ
ILLVSTRISSIMA DOMINA NEOSPONSA;

sed dum Oceanum decurrere debuit penna,
nè torrentem quidem superavit,
Sæculorum quippè labor est non desultorij momenti,
totâ æternitate vix collecta gesta,
brevis temporis explanare intercapedine.

Licèt tam tempori quàm Pegaso suæ sint alæ,
illud tamen tolutim incedit, hic successor est.

Satis nihilominus putat, si in Te Antecessorum Tuorum
gesta veneratur, ILLVSTRIS: DOMINA NEOSPONSA.

Si enim Aneæ Naves in Deas commigrarunt,
quidni & Tua ARCO tot Illustribus onusta Heroibus,
pulchra metamorphosi in Te Diviniorem transformetur Nympham.
Sarmatica Thetis non Oceani sed Illustrissimi Sanguinis Filia

Dis genita, & genitura Deos.

Præfagâ spe plena Patria, alios ex Te expectat Achilles
ad labefactandam hostilem Trojam nascituros.

Prodis è Sacro Baptismatis fonte

Serenissimi MICHAELIS manu levata
eundem Spiritualem Patrem quem Illustrissimus NEOSPONSUS nactus.

Crevit igitur crescentibus Vobis coævus amor,
ut, si Regias Majestates Serenissimos vocamus Planetas,
etiam in uniendo affectus efficaci influere agnoscimus qualitate.

Ex hoc Te Lechicam lunonem æquiùs dici expedit,
quæ Iovi Sarmatico Illustrissimo NEOSPONSO

(citra tamen impedimentum)

& Soror & Conjux destinataris.

Lunam Ægyptij fictitio commento navigio ferri existimabant
Te ævi nostri Dianam rectius putamus gentilitia provchi ARGO

ut orbem Polonum luminis impleas claritatē!
Dum igitur ad Illustrissimam consistenti POTOCIANAM Pharus
Festiva Tibi Najadum cohors ciet modulamina,
Et pauperes Scholæ Piæ votivum accinunt celeusma.

Crescite felices thalami, vestriq; fo-vete

Spem generis, trabeasq; inter fascesq; Nepotum

Patritius succrescat bonos -- -- --

Applaudit & Chelmense Collegium
Suum apud Te quærens patrocinium
ILLVSTRISSIMA NEOSPONSA.

Sit Tibi Typhis amor, seri cynosura Nepotes

Flabra joci, antennæ Charites, prudentia clarum



runi

i.I


2

1

10

2.5

Biblioteka Jagiellońska



stdr0024890

